

U SARADNJI SA POŠTAMA

NOVO u Addiko Bank d.d. Sarajevo: Realizacija kredita bez odlaska u banku



Addiko Bank d.d. Sarajevo je u saradnji s JP BH Pošta d.o.o. Sarajevo i Hrvatska pošta d.o.o. Mostar uspješno implementirala novi model kreditiranja uz koji će klijenti moći realizovati kredit bez potrebe za odlaskom u banku.

Kroz savremeni i digitalizovani proces Addiko banka je postala prva banka na tržištu koja je omogućila ovakav proces realizacije kredita.

“Ponosni smo što smo prva banka na tržištu koja je u saradnji sa poštama klijentima omogućila da kompletan proces apliciranja i realizacije kredita završe bez potrebe za odlaskom u poslovnicu Banke. Ovo je još jedan korak koji potvrđuje naša strateška opredjeljenja, da klijentima osiguramo **brzo i jednostavno bankarstvo** i opravdamo povjerenje koje su nam ukazali.”, istakao je Enver Lemeš, član Uprave Addiko Bank d.d. Sarajevo.

Lemeš je dodao da u Banci vjeruju da je ušteda vremena jednako važna kao i kvalitetna finansijska podrška te da novi model kreditiranja upravo to i nudi.



Josip Bulić, direktor Sektora prodaje Hrvatske pošte d.o.o. Mostar, povodom realizovane saradnje istakao je:

„Uvođenje novog koncepta kreditiranja koji omogućava ugovaranje kredita bez potrebe za odlaskom u banku, uklapa se u našu viziju pružanja poštanskih usluga koje su **jednostavne, sigurne i lako dostupne** svim korisnicima.

Kao pouzdani poslovni partner Hrvatska pošta Mostar već godinama stoji na raspolaganju svim korisnicima kroz širok spektar poštanskih, logističkih i finansijskih usluga, a ova suradnja potvrđuje našu posvećenost digitalizaciji i modernizaciji usluga. Vjerujemo da će ovaj projekt Addiko bank d.d. Sarajevo uz podršku HP d.o.o. Mostar, kao javnog poštanskog operatera, pružiti korisnicima još lakši pristup finansijskim uslugama.”



Milan Tomas, izvršni direktor Sektora za ekonomsko - finansijske poslove u JP BH Pošta d.o.o. Sarajevo također je istakao značaj ove inovativne usluge:

„JP BH Pošta d.o.o. Sarajevo s ponosom sudjeluje kao partner u novoj digitalnoj usluzi „Kredit bez odlaska u banku“, koju građanima Bosne i Hercegovine nudi Addiko banka. Ova inovativna usluga omogućava korisnicima da online podnesu zahtjev za kredit, bez potrebe da osobno posjećuju banku. Nakon odobrenja kredita, **poštar BH Pošte dostavlja ugovor na adresu klijenta** omogućujući mu da u udobnosti svog doma potpiše dokumentaciju. Potpisani ugovor poštar zatim sigurno vraća banci na obradu. Ovaj model savršeno spaja prednosti digitalne efikasnosti i fizičke dostupnosti pri čemu BH Pošta, zahvaljujući svojoj širokoj mreži i pouzdanim dostavljačima, ima ključnu ulogu u uspješnoj provedbi procesa. Ovom prilikom želim se zahvaliti Addiko banci na ukazanom povjerenju i radujemo se daljnjoj suradnji na projektima koji život naših građana čine jednostavnijim i kvalitetnijim.„

Addiko Bank d.d. Sarajevo teži kontinuiranoj digitalizaciji svojih usluga i implementaciji savremenih rješenja sa ciljem da klijentima omogući brži, jednostavniji i sigurniji pristup bankarskim proizvodima.

Klijenti mogu realizovati kredit putem pošte u iznosu do 10.000 KM, dok u redovnoj ponudi maksimalni iznos nenamjenskih kredita iznosi 50.000 KM.

Aplicirati za kredit je moguće OVDJE (<https://webkredit.addiko-fbih.ba/webkredit/sa/kreditni-kalkulator>), a više informacija o novoj liniji kredita je moguće saznati putem besplatne info linije 0800 2 0206.